

Broj: 01-02-2180/21

Sarajevo, 06.12.2021. godine

Z A P I S N I K
27.REDOVNE SJEDNICE PREDSTAVNIČKOG DOMA PARLAMENTA FEDERACIJE
BIH, održane 30.11. i 21.12.2021. godine

Sjednica je počela u 10.04 u Hotelu Hills na Ilidži.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Husein Topčagić, Edita Mazić, Ankica Kolar-Jurčević, Elma Đogić i Boro Krišto.

Zapisnik 26. redovne sjednice usvojen je bez primjedbi.

Zastupnička pitanja

Husein Rošić pokrenuo je inicijativu, u ime devet zastupnika sa područja USK, prema premijeru Vlade FBiH, Federalnom ministarstvu rada i socijalne politike i Federalnom zavodu PIO, za rješavanje diskriminacije prema penzionerima koji primaju penzije na osnovu Sporazuma o međusobnim pravima i obavezama u sporovođenju PIO sa područja općina Ključ, Sanski Most, Bosanaski Petrovac i Bosanska Krupa.

Narednu inicijativu uputio je JP Ceste Federacije BiH, kojom traži da pokrene postupak prekategorizacije lokalne ceste na području Grada Cazina od Šturlića do graničnog prijelaza za međunarodni saobraćaj Hadžin Potok, u regionalnu cestu, jer je ovaj granični prijelaz od značaja za Bosnu i Hercegovinu a i Hrvatsku.

Kazao je da je Odbor za ekonomsku i finansijsku politiku jednoglasno usvojio Inicijativu za izmjene i dopune Pravilnika o primjeni Zakona o naplati PDV-a, te je kazao da će istu obrazložiti zastupnica Zubić.

Sanela Prašović-Gadžo pitanja je postavila Vladi FBiH i premijeru Novaliću, a vezano za informacije o ugovorenim i posebnim uslugama, transparentnost rada Vlade FBiH u implementaciji reformskih procesa – koliko uposlenika radi u Uredu za odnose s javnošću Vlade FBiH, zašto su proveli postupak nabavke i izdvojili 814 hiljada i 905 konvertibilnih maraka za usluge PR promocije, kada istovremeno imaju Ured za informiranje, na osnovu kojih saznanja, analiza, informacija su utvrdili opravdanost predmetne nabavke? Kada i gdje je objavljen javni poziv, u kojim oglasima, koliko se firmi prijavilo na javni poziv, koliko je bilo članova komisije i ko su bili članovi komisije? Traži da joj se dostavi potpisani ugovor između Vlade FBiH i Agencije ZPR, da li je Vlada FBiH već uplatila avansno, odmah nakon donošenja odluke 04.11. , 814 hiljada i 905 konvertibilnih maraka Agenciji ZPR, da li je u taj iznos uračunat PDV. Traži da joj se po svakom modulu dostave sljedeće informacije: koje aktivnosti se provode u modulu, koji je vremenski rok izvršenja usluga, da li su neke usluge već izvršene, pregled aktivnosti usluga, troškovnik za svaku aktivnost i izvještaj o realiziranim uslugama i onim uslugama koje se planiraju realizirati, uz preciznu novčanu vrijednost i tačan vremenski okvir trajanja. Traži od premijera i Vlade FBiH da ove informacije dostavi u roku od 15 dana kako predviđa Poslovnik.

Mara Đukić pokrenula je inicijativu prema Vladi FBiH, a vezano za izdvajanje dodatnih sredstava za preventivne preglede u Federaciji. Predlaže da se kroz budžet za narednu godinu planiraju i izdvoje sredstva u iznosu od 2 miliona konvertibilnih maraka za programe preventivne zaštite stanovništva od prvenstveno malignih bolesti.

Narednom inicijativom traži od Federalnog ministarstva zdravstva da pokrene aktivnosti vezane za rješavanje problema transplantacija kod bubrežnih bolesnika.

Sanela Klarić osvrnula se na intervenciju građana sa rijeke Sanice, Općina Ključ, gdje se implementira Projekt obaloutvrda ove rijeke, na način da se ne poštuje da je to rijeka prve kategorije, zaštićena rijeka po standardima FBiH i nakon izlaska federalne inspekcije, a kada je tražila sastanak nije dobila odgovor. Uputila je inicijativu kojom traži da se dostavi hodogram

svih procedura i zakonom propisanih dozvola koje mora proći nalogodavac, izvođač radova da bi počeo radove na vodi prve kategorije, a naročito da bi se mašinama koje idu u rijeku narušio diverzitet. Što se tiče željezničkog saobraćaja, sa kolegicom Melank je imala sastanak sa predstavnicima iz Ilijaša tamo se dogodila nesreća na željezničkoj pruzi. Pokrenula je inicijativu prema Ministarstvu saobraćaja, Vladi FBiH i Ministarstvu prometa i komunikacija, koliko je novaca i u koju svrhu planirano da se uloži u razvoj i održavanje željezničkog saobraćaja u prvom polugodištu 2021. godine i koliko je novca u prvom polugodištu ove godine izdvojeno za željeznički saobraćaj. Također, pokrenula je inicijativu za obnovu željezničkih stanica koje su u lošem stanju.

Amela Kuskunović ponovo pokreće inicijativu prema Zavodu za javno zdravstvo Federacije BiH i Federalnom ministarstvu zdravstva, vezanu za jedinstvenu potvrdu o imunizaciji u svim kantonima.

Naredna inicijativa upućena je premijeru Novaliću sa hitnim zahtjevom ka Vijeću ministara i ministrici Gudeljević, Evropskoj komisiji, SZO da građanima Federacije i Bosne i Hercegovine osigura digitalni zeleni karton sa QR kodom priznatim u zemljama EU i svijeta, za vakcinisane građane na službenim jezicima Bosne i Hercegovine i engleskom jeziku.

Ilijana Dronjić traži informaciju od Federalne uprave za inspekcijske poslove i Federalnog ministarstva poljoprivrede, vodoprivrede i šumarstva o prodaji poljoprivrednih proizvoda, konkretno meda uz prometnice. Pita – ko je ovlašten za inspekcijski nadzor nad prodajom i kvalitetom meda i drugih pčelinjih proizvoda.

Nijaz Helez prvo pitanje uputio je vezano za Zaključak, koji se odnosi na Bolnicu za plućne bolesti u Travniku da se izdvoje sredstva u iznosu od 500 hiljada konvertibilnih maraka, te traži od Vlade FBiH konkretan odgovor.

Ponovo postavlja pitanje premijeru Novaliću i ministru Džindiću, a vezano je za preduzeće Binas iz Bugojna i rješavanje problema zaposlenih u ovoj firmi.

Naredno pitanje upućeno je Vladi FBiH i direktoru PIO FBiH – zašto od avgusta 2021. godine nema isplata posmrtnina iza umrlih penzionera, te dao obrazloženje.

Jasmina Zubić prvo pitanje uputila je Vladi FBiH i Federalnom ministarstvu rada i socijalne politike – hoće li se u planu rada Vlade FBiH za 2022. godinu naći Zakon o uvezivanju radnog staža, kojim će se propisati posebni postupak uvezivanja radnog staža i za pojedine radnike koji su stekli uslove za penziju, a nemaju uplaćen radni staž, a bili su zaposleni u preduzećima koja su u stečaju ili u preduzećima koja su privatizirana, a privatizacije nisu uspjele i oni nemaju adrese na koju da se obrate.

Naredno pitanje uputila je Upravnom odboru za indirektno oporezivanje – u kojoj fazi je realizacija Inicijative ministra vanjske trgovine i ekonomskih odnosa Staše Košarca za pokretanje postupka izmjene i dopune Pravilnika o primjeni Zakona o porezu na dodanu vrijednost, u cilju poboljšanja uslova poslovanja i stimuliranja investicija u slobodne zone. Ovu inicijativu prihvatila je i Vlada FBiH i predložila ministru da istu pokrene kod Upravnog odbora Uprave za indirektno oporezivanje.

Marina Mujkanović prvo pitanje uputila je Vladi FBiH i Federalnom ministarstvu rada i socijalne politike - da li je realizovana Inicijativa od 03.10.2019. godine, koja se tiče obaveze Vlade FBiH i resornog ministarstva da u Budžetu za 2020. godinu planiraju sredstva u iznosu od 300 hiljada konvertibilnih maraka za sanaciju Zavoda za zbrinjavanje mentalno invalidne

djece i omladine Parazić, ista inicijativa usvojena je i na 16. redovnoj sjednici i njome je bilo predviđeno da se planiraju sredstva za upošljavanje dva psihologa i dva pedagoga.

Naredno pitanje uputila je Federalnoj upravi za inspekcijske poslove – kada će u skladu sa svojim nadležnostima naložiti privrednom subjektu Rudnik mrkog uglja Kakanj uspostavu monitoringa i određivanja kvalitete zraka, nivoa buke i kvaliteta zemljišta na području MZ Donji Kakanj, Karaulsko polje a u cilju utvrđivanja prekoračenja zakonom propisanih graničnih vrijednosti i koncentracije zagađujućih mjerila i poduzimanje odgovarajućih mjera za rješavanje.

Traži provođenje mjera po pitanju emisije prašine i buke na području MZ Donji Kakanj da analizu izvrši relevantna laboratorija koja će dati tačne i pouzdane podatke i koja nije naklonjena operateru.

Posljednje pitanje uputila je Federalnom ministarstvu okoliša i turizma, Agenciji za vodno područje rijeke Save i Federalnoj inspekciji, a vezano za izdavanje okolinske dozvole klaonici Bešlić iz Zenice.

Samira Begić pokrenula je inicijativu prema Federalnom ministarstvu zdravstva i Zavodu za javno zdravstvo Federacije BiH, kojom se zadužuje Federalno ministarstvo zdravstva i Zavod za javno zdravstvo Federacije BiH, da poduzmu sve neophodne korake za izmjene standarda i normativa zdravstvene zaštite, nomenklature usluga u Federaciji BiH, takozvana Plava knjiga iz 2014. godine, pratećih pravilnika koji reguliraju rad medicinsko-biohemisjskih laboratorija na području Federacije BiH, na način da svaki medicinsko-biohemijski laboratorij, od primarnog do tercijarnog nivoa za voditelja mora imati specijalistu medicinske biohemije odnosno specijalistu medicinske biohemije laboratorijske dijagnostike, te obrazložila inicijativu.

Safer Demirović pitanja je uputio Vladi Federacije BiH – u kojim privrednim društvima, javnim preduzećima, javnim ustanovama, agencijama i fondovima Vlada FBiH je imenovala članove upravnih i nadzornih odbora i kolika je njihova mjesečna naknada za članove, odnosno predsjednike. Da li je Vlada FBiH poduzela bilo kakve aktivnosti u vezi nepravilnosti utvrđenih u nedavno objavljenom izvještaju o finansijskoj reviziji operatora za obnovljive izvore energije i energetske efikasnost.

Miomirka Melank obratila se u ime institucija kulture, koje su ove godine značajno finansijski ugrožene, a posebno se odbraća u ime Umjetničke galerije BiH koja je jako finansijski ugrožena. Federalno ministarstvo kulture i sporta sa ministricom Zorom Dujmović, iz godine u godinu ne dodjeljuje sredstva iz transfera za institucije nauke i kulture od značaja za BiH u skladu sa odlukama i zaključcima Vlade FBiH. Te odluke su donijete 2013. i 2014. godine, posebno se ističe nalog Vlade FBiH da se putem transfera za institucije nauke i kulture od značaja za BiH izdvoji iznos od 600 hiljada konvertibilnih maraka isključivo za finansiranje umjetničke galerije, historijski muzej, muzeje književnosti i pozorišne umjetnosti. Međutim, ova sredstva su preraspodijeljena i na institucije koje nisu bile označene kao institucije od važnosti za BiH i kada se novac dijelio po novoustanovljenim kriterijima. I Ured za reviziju je to u svom izvještaju naznačio. Traži da se postupa po Odluci Vlade iz 2013.godine i da se sredstva vrate institucijama prema toj Odluci.

Adisa Kokić Hinović prvo pitanje uputila je Federalnom ministarstvu rada i socijalne politike – u kojoj fazi je implementacija prasude Hadžimejlić i drugi protiv BiH, Evropskog suda za ljudska prava u pogledu izmjene relevantnog zakonodavstva i zašto se čeka šest godina.

Naredno pitanje uputila je Federalnom ministarstvu energije, rudarstva i industrije, a vezano je za Zakon o korištenju obnovljivih izvora energije i efikasne kogeneracije u FBiH, te pita, u kojoj fazi je realizacija izrade ovog Zakona.

Pokrenula je inicijativu prema Vladi FBiH, kojim traži da se dostave strateški dokumenti za mlade, izvještaj o mladima u Federaciji BiH u prethodnoj godini a shodno Zakonu o mladima u FBiH.

Naredna inicijativa upućena je Federalnom ministarstvu zdravstva, kojom traži da se sačini analiza izvještaja o implementaciji Zakona o liječenju neplodnosti biomedicinski potpomognutoj oplodnji po kantonima i da se ista dostavi.

Adis Arapović postavio je set pitanja Vladi FBiH, a vezana su za primanja rukovodilaca u organima uprave, institucijama i preduzećima u većinskom vlasništvu Vlade FBiH – traži pregled neto plata i koeficijenta svih direktora i rukovodilaca organa uprave, institucija i preduzeća u većinskom vlasništvu Federacije BiH. Da li Vlada, odnosno premijer daju saglasnost na visinu plata svim direktorima, rukovodiocima organa uprave, institucija i preduzeća u većinskom vlasništvu Vlade FBiH. Traži informaciju, koliko su i kojim direktorima i rukovodiocima umanjene neto plate ili koeficijenti tokom 2020. i 2021. godine, a kome su povećani.

Urgencija je upućena Federalnom ministarstvu zdravstva, budući da je uputio pitanja i urgenciju, a nije dobio odgovor, te je ponovio neke od njih, a vezani su za kovid; kako se utvrđuje uzrok smrti od kovida, da li se radi obdukcija onih čija smrt je povezana sa kovidom, a ako se ne radi, kako se prave zbirni izvještaji, a od tih izvještaja pravi se generalna epidemiološka slika u FBiH. Zašto je mali procenat vakcinisanih i zašto građani odbijaju vakcinu. Kolikom broju vakcina je istekao rok i da li su te vakcine donirane, ako su kupljene od budžetskog novca i zašto se nije stiglo upotrijebiti ili nekome donirati ko bi ih upotrijebio.

Petar Galić osvrnuo se na odgovor na postavljeno pitanje, vezano za transfer sredstava općinama i gradovima iz budžeta FBiH, gdje osam općina nije dobilo nikakva sredstva, te ponovo traži da mu se dostave ocjene svih pojedinačnih projekata dostavljenih od strane jedinica lokalne samouprave.

Ahmed Džubur pokrenuo je inicijativu vezanu za sjednicu Odbora za poljoprivredu, vodoprivredu i šumarstvo Predstavničkog doma Parlamenta FBiH, gdje je jednoglasno donesena Inicijativa da se Vlada FBiH i resorno ministarstvo upoznaju sa stavom Odbora da se u Budžet za 2022. godinu unese iznos predviđen Zakonom od 150 miliona konvertibilnih maraka za sektor poljoprivrede, budući da je jako loš tretman poljoprivrede posebno u prošloj i pretprošloj godini.

Naredna inicijativa vezana je za štrajk upozorenja zdravstvenih radnika u Konjicu, te traži da Federalno ministarstvo zdravstva koordinira po povom pitanju sa ministarstvom zdravstva Hercegovačko-neretvanjskog kantona.

Elzina Pirić kazala je da nije dobila odgovor od Vlade FBiH i Elektroprivrede BiH te traži urgenciju.

Pitanje je postavila Vladi FBiH i Federalnom ministarstvu energije, rudarstva i industrije – kada će imenovati Nadzorni odbor RMU Banovići u skladu sa članom 247. stav 1. Zakona o privrednim društvima.

Adnan Efendić kazao je da je dobio odgovor od Federalnog ministarstva okoliša i turizma vezano za dvije inicijative, prva se odnosila na donošenje Uredbe o subvencioniranju kupovine i korištenja ekološki prihvatljivih vozila, te je odgovoreno da ovo pitanje treba riješiti kroz Zakon o zaštiti okoliša i energetske efikasnosti, te inicira ovu inicijativu prema ministarstvu. Druga inicijativa se odnosila na izmjenu Uredbe o visini godišnjih naknada za javne ceste koje su plaćene pri registraciji motornih i priključnih vozila i odgovor ministarstva je bio da se ovo pitanje riješava kroz Zakon o cestama, te ovu inicijativu upućuje Federalnom ministarstvu prometa i komunikacija.

Pitanje je uputio prema radnim tijelima Predstavničkog doma Parlamenta FBiH, a koja su nadležna za razmatranje tragedije nakon komplikacija prilikom operacije dvogodišnje djevojčice Džene Gadžun, odnosno Komisiji za zaštitu ljudskih prava i sloboda, Komisiji za sigurnost, Odboru za zdravstvo i Odboru za rad i socijalnu zaštitu – zašto nisu razmatrali i poduzeli određene radnje po ovom pitanju. Smatra da su ova radna tijela morala razmatrati i zauzeti stav po pitanju ovog događaja, je li reakcija izostala jer su u pitanju istaknuti članovi nekih političkih staranaka. Zahtijeva da se što hitnije zakažu sjednice navedenih radnih tijela,

te u parlamentarnu proceduru upute zaključci koji će biti ohrabrujući za građane Bosne i Hercegovine, te da se spriječe ovakve i slične tragedije u budućnosti.

Meliha Bijedić traži od Vlade FBiH detaljan izvještaj o utrošku sredstava u zdravstvene institucije tokom 2019. i 2020. godine za vrijeme pandemije koronavirusa, koliko je utrošeno sredstava, na koji način i u koje svrhe po zdravstvenim institucijama u Federaciji BiH.

Azra Hadžić traži od Federalnog zavoda zdravstvenog osiguranja da dostavi izvještaj o broju osoba imenom i prezimenom, koja su u toku 2021. godine stekla i ostvarila pravo na liječenje u inostranstvu preko Federalnog zavoda zdravstvenog osiguranja.

Pokrenula je inicijativu za uvođenje jednokratne pomoći Vlade FBiH svim nezaposlenim porodiljama u Federaciji u iznosu od pet stotina konvertibilnih maraka, obzirom na nejednak tretman porodilja po kantonima.

Narednu inicijativu pokreće zajedno sa kolegama Adisom Arapovićem i Zlatkom Kravićem za hitno donošenje Uredbe Vlade FBiH, kojom bi se zaustavila i spriječila nova poskupljenja osnovnih životnih namirnica, nafte i naftnih derivata, kroz intervenciju na marži i upotrebu robnih rezervi. Također, naredna inicijativa se odnosi na uvođenje trinaeste penzije svim penzionerima sa minimalnim i nižim penzijama u Federaciji BiH, obzirom na njihov težak položaj.

Data je pauza pet minuta.

Nakon pauze prešlo se na izmjene i dopune dnevnog reda.

Predsjedavajući je kazao da je u konsultaciji sa članovima Kolegija povukao sa dnevnog reda Prijedlog Zakona o građevinskom zemljištu.

U raspravi o dnevnom redu učestvovali su: Dževad Adžem i Jasmina Zubić.

Prijedlog da se u dnevni red uvrsti tačka – Prijedlog Zakona o vanrednom usklađivanju penzija ostvarenih po zakonu o službi u oružanim snagama, predlagača Zijata Mušića, skraćeni postupak, usvojen je sa 69 glasova za, bez glasova protiv i uz jedan uzdržani glas.

Sa 74 glasa za, bez glasova protiv i bez uzdržanih glasova, usvojen je sljedeći:

D N E V N I R E D

1. Informacija Vlade FBiH o epidemiološkoj situaciji COVID – 19 na dan 01.11.2021. godine sa prijedlogom naredbi i preporuka Kriznog štaba Federalnog ministarstva zdravstva,
2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
3. Prijedlog Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine, predlagači: Irfan Čengić i Elmedin Konaković – skraćeni postupak,
4. Prijedlog Zakona o vanrednom usklađivanju penzija ostvarenih po zakonu o službi u oružanim snagama, predlagač Zijat Mušić – skraćeni postupak,
5. a) Izvještaj o radu i poslovanju JP Elektroprivreda HZHB d.d. Mostar za 2019. godinu,
b) Izvještaj o poslovanju JP Elektroprivreda HZHB d.d. Mostar za 2020. godinu,
6. a) Izvještaj o poslovanju JP Elektroprivreda BiH d.d. Sarajevo za 2019. godinu,
b) Izvještaj o poslovanju JP Elektroprivreda BiH d.d. Sarajevo za 2020. godinu,
7. Informacija FMERI o stanju u rudnicima u FBiH,
8. Informacija o implementaciji Projekta izgradnje brze ceste Sarajevo-Goražde dionica Tunel Hranjen – Faza -1,
9. Informacija o Pravilniku o dinamici zamjene fiskalnih sistema u Federaciji BiH,
10. Informacija Federalnog ministarstva energije, rudarstva i industrije o statusu projekta izgradnje Bloka 7 – TE Tuzla;

11. Zaključak u vezi Odluke Ustavnog suda Bosne i Hercegovine, broj U-7/21 od 23.09.2021. godine,
12. Usvajanje zaključaka Zakonodavno-pravne komisije,
13. Usvajanje Zaključka Administrativne komisije,
14. a) Usaglašavanje Prijedloga Zakona o reprezentativnosti sindikata i udruženja poslodavaca
b) Usaglašavanje Prijedloga Zakona o izmjenama dopunama Zakona o provođenju kontrole zakonitosti korištenja prava iz oblasti branilačko-invalidske zaštite
15. Izbori i imenovanja.

1. Informacija Vlade FBiH o epidemiološkoj situaciji COVID – 19 na dan 01.11.2021. godine sa prijedlogom naredbi i preporuka Kriznog štaba Federalnog ministarstva zdravstva,

Informaciju je dostavila Vlada FBiH.

Predstavnik Zavoda za javno zdravlje dao je dodatno obrazloženje.

U raspravi su učestvovali: Alma Kratina, Belma Pojskić, Lana Prlić, Adin Huremović, Amela Kuskunović, Mara Đukić i Goran Akšamija.

Predstavnički dom Parlamenta FBiH primio je k znanju Informaciju Vlade FBiH o epidemiološkoj situaciji COVID – 19 na dan 01.11.2021. godine sa prijedlogom naredbi i preporuka Kriznog štaba Federalnog ministarstva zdravstva.

2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 52 glasa za, bez glasova protiv i bez uzdržanih glasova usvojeno.

U raspravi niko nije učestvovao.

Sa 59 glasova za, bez glasova protiv i bez uzdržanih glasova, usvojen je Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

3. Prijedlog Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine, predlagači: Irfan Čengić i Elmedin Konaković – skraćeni postupak,

Prijedlog Zakona utvrdili su Irfan Čengić zastupnik u Predstavničkom domu Parlamenta FBiH i Elmedin Konaković delegat u Domu naroda Parlamenta FBiH.

Prijedlog Zakona razmatrala su nadležna radna tijela i dostavila izvještaje.

Zastupnik Irfan Čengić dao je dodatno obrazloženje, te između ostalog kazao da su dva amandmana Adnana Efendića prihvaćena, a amandman Kluba zastupnika DF nije prihvaćen i dostavljen u roku predviđenim Poslovníkom.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što sa 29 glasova za, bez glasova protiv i 28 uzdržanih glasova nije usvojeno, te će se razmatrati u formi Nacrta.

U raspravi niko nije učestvovao.

Sa 46 glasova za, bez glasova protiv i 14 uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH prihvata Nacrt Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine, te smatra da može poslužiti kao dobra osnova za izradu prijedloga Zakona.

Zadužuje se predlagač da organizuje i provede javnu raspravu u roku od 60 dana.

Zadužuje se predlagač da prilikom izrade Prijedloga Zakona ima u vidu sve sugestije, primjedbe i prijedloge iznijete u raspravi kao i one koje su dostavljene ili će biti dostavljene u pisanom obliku.

4. Prijedlog Zakona o vanrednom usklađivanju penzija ostvarenih po zakonu o službi u oružanim snagama, predlagač Zijat Mušić – skraćeni postupak

Prijedlog Zakona utvrdio je zastupnik Zijat Mušić.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što na osnovu pojedinačnog izjašnjavaanja, sa 69 glasova za, bez glasova protiv i 14 uzdržanih glasova usvojeno.

Predlagač Zijat Mušić dao je dodatno obrazloženje Prijedloga zakona i amandmana kojega je podnio a koji je postao sastavni dio Prijedloga Zakona.

U raspravi su učestvovali: Dževad Adžem, Hamdija Abdić i Tašo Dacić.

Sa 76 glasova za, bez glasova protiv i bez uzdržanih glasova, usvojen je Prijedlog Zakona o vanrednom usklađivanju penzija ostvarenih po zakonu o službi u oružanim snagama.

5. a) Izvještaj o radu i poslovanju JP Elektroprivreda HZHB d.d. Mostar za 2019.

godinu,

b) Izvještaj o poslovanju JP Elektroprivreda HZHB d.d. Mostar za 2020.

godinu,

Izvještaje je dostavila Vlada FBiH.

Ispred JP Elektroprivreda HZHB obrazloženje je dao Anto Tutuš.

Ispred Odbora za energetiku, rudarstvo i industriju obrazlagao je Bahrudin Šarić.

U raspravi su učestvovali: Sabina Ćudić, Damir Mašić, Petar Galić, Mujo Hasić i Irfan Čengić.

Izvještaj o radu i poslovanju JP Elektroprivreda HZHB d.d. Mostar za 2019. godinu nije usvojen (29 glasova za, 24 protiv i 15 uzdržanih glasova).

Izvještaj o radu i poslovanju JP Elektroprivreda HZHB d.d. Mostar za 2020. godinu nije usvojen (30 glasova za, 24 protiv i 15 uzdržanih glasova).

Klub zastupnika Naša stranka predložili su zaključke koji nisu usvojeni-Nakon provedene procedure revizije i objave Izvještaja sa preporukama od strane Ureda za reviziju institucija u Federaciji Bosne i Hercegovine za subjekte revizije koji imaju negativno mišljenje za Izvještaj o reviziji finansijskih izvještaja i/ili Izvještaj o usklađenosti, pokrene proceduru smjene imenovanih odgovornih osoba.Obavezuje se Vlada FBiH da po hitnom postupku izradi i u parlamentarnu proceduru uputi Izmjene Zakona o ministarskim, vladinim i drugim imenovanjima ("Službene novine Federacije BiH", broj 12/03 i 34103) na način da će odgovorni javni službenik automatski razriješiti dužnosti imenovano lice u reguliranom organu ukoliko je subjekt prilikom revizije dobio negativno mišljenje za Izvještaj o reviziji finansijskih

izvještaja i/ili Izvještaj o usklađenosti od strane Ureda za reviziju institucija u Federaciji BiH, (22 glasa za, 13 glasova protiv i 17 uzdržanih glasova).

Klub zastupnika SDP BiH predložio je zaključak koji nije usvojen-Predstavnički dom Parlamenta Federacije BiH traži od Vlade FBiH i resornog Ministarstva energetike, rudarstva i industrije da putem upravljačkih struktura pokrenu proceduru razrješenja i smjene menadžmenta Elektroprivrede BiH, (29 glasova za, 14 glasova protiv i 17 uzdržanih glasova).

Prema dogovoru, na rad se prešlo po **tački 7. dnevnog reda.**

7. Informacija Federalnog ministarstva energije rudarstva i industije o stanju u rudnicima u FBiH,

Informaciju je dostavila Vlada FBiH.

Samostalni sindikat radnika rudnika FBiH je 29.11.2021. godine dostavio zahtjeve i obrazloženje zahtjeva Upravnog odbora Samostalnog sindikata od čije realizacije zavisi pokretanje proizvodnog procesa u svim rudnicima u sastavu koncerna Javnog preduzeća Elektroprivreda BiH d.d. Sarajevo.

Ispred Vlade FBiH dodatno obrazloženje dao je premijer Fadil Novalić i ministar Nermin Džindić.

Generalni direktor Elektroprivrede BiH, Admir Anđelić obradio se zastupnicima.

U raspravi su učestvovali: Sabina Ćudić, Safer Demirović, Damir Mašić, Bahrudin Šarić, Samer Rešidat, Miomirka Melank, Senad Mašetić, Elzina Pirić, Sanela Klarić, Azra Hadžić, Irfan Čengić, Alma Kratina, Sanela Prašović-Gadžo, Hamdija Abdić, Jasmina Zubić, Suad Kaknjo, Husein Rošić, Hajrudin Žilić, Dževad Adžem, Nihad Čolpa, te direktor Anđelić.

Data je pauza od pola sata, kako bi zasjedao Odbor za energetiku, rudarstvo i industriju.

Nakon pauze, glasalo se o predloženim zaključcima Odbora za energetiku, rudarstvo i industriju.

Na osnovu pojedinačnog izjašnjanja, sa 59 glasova za, tri glasa protiv i uz devet uzdržanih glasova, usvojen je sljedeći:

ZAKLJUČAK

1. Predstavnički dom Parlamenta FBiH daje punu podršku nastavku socijalnog dijaloga između predstavnika Sindikata rudara rudnika u FBiH i Uprave JP Elektroprivreda BiH i Vlade FBiH u cilju postizanja sporazuma o prekidu rada.
2. Program prestrukturiranja rudnika u FBiH nema alternativu i daje se podrška nastavku implementacije istog.
3. Zadužuju se JP Elektroprivreda BiH i Vlada FBiH da utvrde program finansijskog plana uplate 430 miliona KM za uvezivanje staža radnika u rudnicima u slijedećem odnosu: Vlada FBiH na minimalnu osnovicu da obezbijedi sredstva, a JP Elektroprivreda BiH i rudnici razliku za ukupan iznos.
4. Predstavnički dom Parlamenta FBiH traži od Vlade FBiH i nadležnog ministarstva da donesu odluku o moratoriju na zapošljavanje administrativnog režijskog osoblja u rudnicima FBiH.

Klub zastupnika Naša stranka predložio je zaključak koji nije usvojen—obavezuje se Vlada FBiH i resorno ministarstvo da izrade i donesu Uredbu u obliku tehničke zabrane koju su

dužne primjenjivati banke prema kojoj se ne dozvoljava isplata plaće onim poslodavcima koji istovremeno ne predaju naloge za uplatu doprinosa, (31 glas za, dva glasa protiv i 22 uzdržana glasa).

Klub zastupnika DF predložio je zaključak koji nije usvojen - Predstavnički dom Parlamenta Federacije BiH zahtijeva od premijera Vlade FBiH, Fadila Novalića, ministra Federalnog ministarstva energije, rudarstva i industrije u Vladi Federacije BiH Nermina Đindića i Generalnog direktora JP Elektroprivreda BiH d.d. Sarajevo Admira Andelije kao najodgovornijih dužnosnika za nastalu krizu u energetsom sektoru koji nemaju rješenja za zaustavljanje eskalacije katastrofalnog stanja u rudnicima i prevazilaženje situacije koja dovodi u opasnost stabilnost energetskog sektora da podnesu ostavke na funkcije koje obnašaju. Predstavnički dom smatra da je nastala kriza posljedica nepridržavanja propisane dinamike programa restrukturiranja elektro energetskog sektora Federacije BiH od strane imenovanih kao najodgovornijih u lancu odgovornosti, (21 glas za, 20 glasova protiv i devet uzdržanih glasova).

Azra Hadžić predložila je zaključak koji nije usvojen - Zastupnički dom Parlamenta Federacije BiH oštro osuđuje bilo kakve pokušaje povećanja cijena električne energije za domaćinstva i privredu, te zadužuje Vladu FBiH, resorno ministarstvo (FMERI) i upravu Elektroprivrede BiH da hitno zaustave takve pokušaje (23 glasa za, pet glasova protiv i 27 uzdržanih glasova).

6. a) Izvještaj o poslovanju JP Elektroprivreda BiH d.d. Sarajevo za 2019. godinu,

b) Izvještaj o poslovanju JP Elektroprivreda BiH d.d. Sarajevo za 2020. godinu

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

Ispred Elektroprivrede BiH dodatno obrazloženje dao je Muhamed Kozadra.

U raspravi su učestvovali: Damir Mašić, Bahrudn Šarić, Irfan Čengić, Alma Kratina, Mira Grgić, ta ispred Elektroprivrede BiH Muhamed Kozadra.

Izvještaj o poslovanju JP Elektroprivreda BiH d.d. Sarajevo za 2019. godinu, nije usvojen, 30 glasova za, 16 glasova protiv i 17 uzdržanih glasova.

Na osnovu pojedinačnog izjašnjavanja nije usvojen Izvještaj o poslovanju JP Elektroprivreda BiH d.d. Sarajevo za 2020. godinu, 35 glasova za, 17 glasova protiv i 15 uzdržanih glasova.

Klub zastupnika DF predložio je zaključak, koji na osnovu pojedinačnog izjašnjavanja nije usvojen - Predstavnički dom Parlamenta Federacije BiH zahtijeva od istražnih organa da uđu u sve rudnike Koncerna kao i rudnik u Banovicima, JP Elektroprivredu BiH dd Sarajevo i JP HZHB dd Mostar i istraže sve nepravilnosti koje su uzrokovale negativno poslovanje rudnika i dovele do ugrožavanja elektorenergetske stabilnosti u državi u posljednjih 15 godina, (41 glas za, pet glasova protiv i 27 uzdržanih glasova).

Klub zastupnika SDP predložio je zaključak, koji nije usvojen – Predstavnički dom Parlamenta FBiH traži od Vlade FBiH i resornog Ministarstva energetike, rudarstva i industrije da putem upravljačkih struktura pokrenu procedure razrješenja i smjene menadžmenta Elektroprivrede BiH (22 glasa za, šest glasova protiv i 36 uzdržanih glasova).

8. Informacija o implementaciji Projekta izgradnje brze ceste Sarajevo-Goražde dionica Tunel Hranjen – Faza -1,

Informaciju je dostavila Vlada FBiH.

Predstavnik Vlade FBiH dao je dodatno obrazloženje.

U raspravi su učestvovali: Mirsad Pindžo, Damir Mašić, Adnan Efendić, Ivan Boban, Tahir Nuhić, Nasiha Pozder, Dževad Adžem, Adin Huremović, Mujo Hasić, Alma Kratina,

Suad kaknjo, Dževad Adžem, Bahrudin Šarić, te v.d. direktora Autoceste FBiH Elmedin Voloder.

Predstavnički dom primio je k znanju Informaciju o implementaciji Projekta izgradnje brze ceste Sarajevo-Goražde dionica Tunel Hranjen – Faza -1.

Odbor za promet i komunikacije predložio je zaključak.

Sa 60 glasova za, bez glasova protiv i bez uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH traži da nadležni organi utvrde sve eventualne nepravilnosti i odgovornost svih sudionika, koji su doveli do situacije spore implementacije i povećanja iznosa novca za Fazu 1 Projekta izgradnje brze ceste Sarajevo – Goražde, dionica tunel Hranjen.

Podržava se nastavak realizacije započetog Projekta i intenziviranje radova prema okončanju poslova izgradnje tunela Hranjen, uz poštivanje svih zakonskih obaveza.

Predstavnički dom Parlamenta FBiH traži da mu se kvartalno dostavljaju izvještaji o nastavku poslova i dinamici realizacije ovog Projekta.

Klub zastupnika SDP BiH predložio je zaključak koji nije usvojen - Predstavnički dom Parlamenta FBiH traži od Vlade FBiH i J.P. Autoceste FBiH da hitno preduzmu sve potrebne radnje kako bi se zaštitio interes građana FBiH kada je u pitanju nepoštivanje potpisanog ugovora između Autoceste FBiH i izvođača radova na tunelu Hranjen, kako u finansijskom segmentu, tako i u vremenskom periodu predviđenom za izvođenje radova, (30 glasova za, bez glasova protiv i 29 uzdržanih glasova).

Mirsad Pindžo predložio je zaključke, koji nisu usvojeni - Zadužuje se JP Autoceste FBiH da detaljno obrazloži kako je i na temelju čega prihvatila da isplati izvođaču radova 97% ugovorene cijene za 35% fizičkog izvršenja posla, kao i kvaliteti izvedenih radova. Zadužuje se JP Autoceste FBiH da precizira za šta će se koristiti nalazi ekspertske analize ako oni dođu (a to je već očito) kasno, jer su mjera JP Autoceste FBiH, za prevazilaženje, već predložene i pokrenute uz saglasnost Vlade. Zadužuje se Vlada FBiH da nakon što razmotri sve informacije i analize, razmotri otkazivanje povjerenja dosadašnjim učesnicima implemantacije projekta (JP Autoceste FBiH, IPSA, Euroasfal), te da precizno definiše postupke, način izvršenja, kao i rokove za nastavak realizacije projekta brze ceste Sarajevo-Goražde. Rok za realizaciju prethodnih zaključaka je 60 dana sa obavezom informisanja Predstavničkog doma. Obzirom da je Kantonalno tužilaštvo Kantona Sarajevo po službenoj dužnosti, a na osnovu sumnje postojanja nezakonitog djelovanja u vezi sa ovim projektom, formiralo predmet i naložilo obavljanje predistražnih radnji, traži se od istog da po okončanju postupka o rezultatu informiše Parlament FBiH, (28 glasova za, bez glasova protiv i 28 uzdržanih glasova).

9. Informacija o Pravilniku o dinamici zamjene fiskalnih sistema u Federaciji BiH,

Informaciju je dostavila Vlada FBiH.

Ispred Vlade FBiH dodatno obrazloženje dala je Melina Dudo.

U raspravi su učestvovali: Damir Mašić, Lana Prlić, Irfan Čengić, Salko Zildžić, Husein Rošić, Hajrudin Žilić, i ministrica Jelka Milićević.

Predstavnički dom primio je k znanju Informaciju o Pravilniku o dinamici zamjene fiskalnih sistema u Federaciji BiH.

Klub zastupnika SDP BiH predložio je zaključak. Klub zastupnika SDA, također je predložio zaključke. Zaključak Kluba zastupnika SDP sadržan je u zaključcima Kluba zastupnika SDA.

Sa 54 glasa za, sedam glasova protiv i četiri uzdržana glasa, usvojen je sljedeći:

ZAKLJUČAK

Predstavnički dom Parlamenta FBiH traži od Federalnog ministarstva finansija da stave van snage Pravilnik o dinamici zamjene fiskalnih sistema u Federaciji BiH.

Zadužuje se Vlada Federacije BiH da u parlamentarnu proceduru uputi novi Zakon o fiskalnim sistemima Federacije BiH kako bi se postojeća oblast unaprijedila.

Predstavnički dom Parlamenta Federacije BiH traži od Federalnog ministarstva finansija i Vlade Federacije BiH da donesu provedbene akte kako bi se mogao implementirati Zakon o elektronskom potpisu Federacije BiH, "Službeni glasnik BiH" broj 91/06.

Prilikom usvajanja Budžeta Federacije BiH za 2022. godinu planirati potrebna finansijska sredstva za subvencioniranje obaveza prilagođavanja fiskalnih kasa, odnosno za provedbu sistema nakon usvajanja Zakona o fiskalnim sistemima.

10. Informacija Federalnog ministarstva energije, rudarstva i industrije o statusu projekta izgradnje Bloka 7 – TE Tuzla;

Informaciju je dostavila Vlada FBiH.

Informaciju je dodatno obrazložio izvršni direktor za kapitalne investicije JP Elektroprivreda BiH Senad Salkić.

U raspravi su učestvovali: Mujo Hasić, Sanela Klarić, Irfan Čengić, Mirsad Čamdžić, Safer Demirović, Bahrudin Šarić, Sabina Ćudić, Damir Mašić, te Senad Salkić.

Predstavnički dom Parlamenta FBiH primio je k znanju Informaciju Federalnog ministarstva energije, rudarstva i industrije o statusu projekta izgradnje Bloka 7 – TE Tuzla.

Klub zastupnika Naša stranka predložio je zaključke, koji nisu usvojeni – obavezuje se Vlada FBiH da u roku od 60 dana u proceduru uputi sljedeće akte: Zakon o električnoj energiji, prijenosu i tržištu električne energije u FBiH, Zakon o gasu u FBiH, Zakon o korištenju obnovljivih izvora energije i efikasne kogeneracije u FBiH, te da u roku od 60 dana: Implementira Uredbu 347/2013/EU, Izradi i usvoji plan energetske tranzicije FBiH kroz rad interdisciplinarnog tima koristeći iskustva pravedne tranzicije EU zemalja, Izradi akcioni plan za implementaciju Sofijske deklaracije u FBiH (19 glasova za, dva glasa protiv i 34 uzdržana glasa).

Klub zastupnika SDP BiH predložio je zaključke, koji nisu usvojeni-Zadužuje se Vlada FBiH i JP Elektroprivreda BiH d.d. Sarajevo da u roku od 90 dana izrade i dostave Parlamentu FBiH "Studiju procjene rizika nastavka projekta izgradnje Bloka 7-TE Tuzla" koja će sadržavati procjene rizika proisteklih iz neispunjavanja ugovora, odluka Energetske zajednice te svih rizika koji utječu na uspješnu realizaciju projekta. Pored studije iz tačke 1. ovog Zaključka, zadužuje se Vlada FBiH i JP Elektroprivreda d.d. Sarajevo da dostave Parlamentu FBiH rješenja za izgradnju Bloka 7-TE Tuzla ili alternativna rješenja. Zaduje se Vlada FBiH da u roku od 30 dana dostavi Parlamentu FBiH informaciju o mogućnostima povrata avansnih sredstava te statusu kredita ukoliko se odustane od izgradnje Bloka 7-TE Tuzla, (24 glasa za, bez glasova protiv i 29 uzdržanih glasova).

11. Zaključak u vezi Odluke Ustavnog suda Bosne i Hercegovine, broj U-7/21 od 23.09.2021. godine,

Ustavni sud BiH donio je odluku broj 7/21, 23.09.2021. godine kojom je utvrdio da Zakon o plaćama i drugim naknadama sudija i tužitelja Federacije BiH nije u skladu sa članom 1. i 2. i članom 2.4 Ustava BiH, članom 14. Evropske konvencije za zaštitu ljudskih prava i osnovnih sloboda, članom 1. Protokola 12. uz Evropsku konvenciju za zaštitu ljudskih prava i osnovnih sloboda i članom 26. Međunarodnog pakta o građanskim i političkim pravima.

U skladu sa članom 247. Poslovnika, Presuda je upućena zastupnicima.

Sa 53 glasa za, bez glasova protiv i uz jedan uzdržani glas, usvojen je sljedeći:

ZAKLJUČAK

Zadužuje se premijer Vlade FBiH da u skladu sa obavezama iz Ustava FBiH osigura izvršenje Odluke Ustavnog suda Bosne i Hercegovine, broj: U-7/21 od 23.09.2021. godine, odnosno da pripremi i u parlamentarnu proceduru dostavi propis u skladu sa navedenom Odlukom.

Prešlo se na rad po tački 13.

13. Usvajanje Zaključka Administrativne komisije

Ispred Administrativne komisije dodatno obrazloženje dao je Mladen Bošković. U raspravi niko nije učestvovao.

Sa 60 glasova za, bez glasova protiv i bez uzdržanih glasova, usvojen je sljedeći:

ZAKLJUČAK

Zastupnički dom Parlamenta FBiH obavezuje Federalno ministarstvo finansija da izmijeni član 7. Procedura za obračun plaća i naknada u Trezoru FBiH, na način da za obračun plaća za izabrane dužnosnike nije potrebna evidencija o radnom vremenu (Šiht lista).

14. a) Usaglašavanje Prijedloga Zakona o reprezentativnosti sindikata i udruženja poslodavaca b) Usaglašavanje Prijedloga Zakona o izmjenama dopunama Zakona o provođenju kontrole zakonitosti korištenja prava iz oblasti branilačko invalidske zaštite

a) Predstavnički dom Parlamenta FBiH je na 24. redovnoj sjednici održanoj 27.07.2021. godine usvojio Prijedlog Zakona o reprezentativnosti sindikata i udruženja poslodavaca sa jednim amandmanom kojeg Vlada FBiH nije prihvatila, ali ga je Predstavnički dom izglasao. Amandnan se odnosi na član 7., dodaje se novi stav 3.

Dom naroda Parlamenta FBiH je na 14. redovnoj sjednici, održanoj 04.11.2021. godine usvojio Prijedlog Zakona o reprezentativnosti sindikata i udruženja poslodavaca, ali nije usvojio amandman izglasan u Predstavničkom domu.

Predsjedavajući je pozvao zastupnike da se izjasne o Prijedlog Zakona o reprezentativnosti sindikata i udruženja poslodavaca u tekstu kako ga je usvojio Dom naroda Parlamenta FBiH. Sa 56 glasova za, bez glasova protiv i bez uzdržanih glasova, usvojen je Prijedlog Zakona o reprezentativnosti sindikata i udruženja poslodavaca u tekstu kako je usvojen u Domu naroda Parlamenta FBiH.

b) Predstavnički dom Parlamenta FBiH usvojio je Prijedlog Zakona o izmjenama i dopunama Zakona o provođenju kontrole zakonitosti korištenja prava iz oblasti branilačko-invalidske zaštite na sjednici održanoj 23.03.2016. godine sa jednom tehničkom ispravkom.

Dom naroda je na sjednici održanoj 08.12.2016. godine usvojio Prijedlog ovog Zakona, sa jednim amandmanom kojeg je Vlada FBiH prihvatila: U članu 4. Prijedloga ovog Zakona iza stava 2. dodaje se novi stav 3. koji glasi:

U članu 7. stav 9. mijenja se i glasi:

„Protiv rješenja Federalnog ministarstva donesenih u postupku revizije ne može se izjaviti žalba, ali se može pokrenuti upravni spor kod Kantonalnog suda nadležnog prema mjestu donošenja rješenja kojim je priznato pravo koje je bilo predmet kontrole po odredbama ovog Zakona.“.

Predsjedavajući je pozvao zastupnike da se izjasne o amandmanu usvojenom u Domu naroda.

Sa 55 glasova za, bez glasova protiv i uz jedan uzdržani glas, Prijedlog Zakona o izmjenama dopunama Zakona o provođenju kontrole zakonitosti korištenja prava iz oblasti branilačko-invalidske zaštite usvojen je u istovjetnom tekstu u oba doma Parlamenta FBiH.

12. Usvajanje zaključaka Zakonodavno-pravne komisije,

Izveštaj sa 28. i 29. sjednice Zakonodavno-pravne komisije zastupnici su dobili.

Ispred Komisije, Albin Muslić dao je dodatno obrazloženje.

U vezi inicijative za izmjene i dopune Zakona o radu, koju je pokrenula Institucija ombudsmena za ljudska prava BiH, uz napomenu da je predmetnu inicijativu prihvatila Zakonodavno-pravna komisija i prihvatio Odbor za rad i socijalnu zaštitu dok Vlada Inicijativu nije prihvatila.

Sa 55 glasova za, bez glasova protiv i bez uzdržanih glasova, usvojen je slijedeći

ZAKLJUČAK

Zastupnički dom Parlamenta FBiH prihvata Inicijativu za izmjene i dopune Zakona o radu, koju je pokrenula Institucija ombudsmena za ljudska prava BiH i zadužuje Vladu FBiH za izradu navedenog propisa.

U vezi Inicijative za izmjene i dopune Zakona o radu, koju je pokrenuo Savez samostalnih sindikata BiH, Odbor za rad i socijalnu zaštitu je podržao Inicijativu i Zakonodavno-pravna komisija, uz napomenu da Vlada FBiH ne prihvata izmjenu predmetnog propisa, te je Predstavnički dom nije usvojio (47 glasova za, bez glasova protiv i bez uzdržanih glasova).

U vezi Inicijative za izradu novog Porodičnog zakona, koju je pokrenula zastupnica Alma Kratina, Odbor za rad i socijalnu zaštitu prihvatio je donošenje predmetnog propisa, Zakonodavno-pravna komisija prihvatila je navednu inicijativu. Vlada je iznijela stav da su potrebna značajna finansijska sredstva. Inicijativa nije usvojena (45 glasova za, bez glasova protiv i uz 10 uzdržanih glasova).

U vezi Inicijative za donošenje Zakona o izmjenama i dopunama Zakona o faktoringu FBiH koju je pokrenulo Udruženja banaka FBiH, Vlada FBiH ne prihvata predmetnu Inicijativu. Odbor za ekonomsku i finansijsku politiku podržava inicijativu. Zakonodavno-pravna komisija ne prihvata predmetnu inicijativu.

Sa 51 glasom za, jednim glasom protiv i uz tri uzdržana glasa, usvojen je sljedeći:

ZAKLJUČAK

Zastupnički dom Parlamenta FBiH ne prihvata Inicijativu za donošenje Zakona o izmjenama i dopunama Zakona o faktoringu FBiH, koju je podnijelo Udruženje banaka BiH, broj 01-02-2400/19 od 11.12.2019.godine

Dogovoreno je da se o ostalnim zaključcima izjašnjava na nastavku sjednice.
Obavljena je prozivka prisutnosti zastupnika na sjednici.

Predsjedavajući je prekinuo rad 27. redovne sjednice u 23.44.

* * *

NASTAVAK 27. REDOVNE SJEDNICE PREDSTAVNIČKOG DOMA PARLAMENTA FBiH, održan 21.12.2021. godine

Sjednica je počela u 10.12 u Hotelu Hills na Ilidži.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Dženana Hodžić, Faika Mujanović-Glamočanin i Elzina Pirić.

Nastavilo se sa radom vezanim za tačku 12. dnevnog reda.

12. Usvajanje zaključaka Zakonodavno-pravne komisije,

Elma Đogić pokrenula je inicijativu da se izmjeni član 9. Zakona o plaćama i naknadama u organima vlasti FBiH, u smislu da se smanje koeficijenti za izabrane zvaničnike, nosioce izvršnih funkcija i savjetnika u iznosu od 20 % od već utvrđenih koeficijenata.

Zakonodavno-pravna komisija nije prihvatila ovu inicijativu, te predlaže zaključak na usvajanje. Sa 53 glasa za, bez glasova protiv i uz 13 uzdržanih glasova usvojen je sljedeći:

Z A K L J U Č A K

Predstavnički dom Parlamenta FBiH ne prihvata Inicijativu za izmjenu i dopunu Zakona o plaćama i naknadama u organima vlasti FBiH koju je podnijela zastupnica Elma Đogić, broj 01-02-903/20 od 11.05.2020. godine.

Naredni zaključak – Predstavnički dom Parlamenta FBiH traži od Vlade FBiH da pripremi i u parlamentarnu proceduru uputi set usaglašenih propisa koje se odnose na isplate plaća i naknada u organima vlasti na nivou Federacije BiH, nije usvojen (22 glasa za, bez glasova protiv i 34 uzdržana glasa).

Prijedlog Zaključaka vezano za inicijativu koju je pokrenulo Općinsko vijeće Općine Foča, kojom traži izmjenu člana 12. Zakona o pripadnosti javnih prihoda u Federaciji BiH u smislu da učešće općina u raspodjeli prihoda ne može biti manje od 0,5% ukupnog iznosa koji pripada jedinicima lokalne samouprave. Zakonodavno-pravna komisija nije prihvatila ovu inicijativu, te predlaže zaključak.

Sa 53 glasa za, bez glasova protiv i uz 13 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH ne prihvata Inicijativu za donošenje Zakona o izmjeni Zakona o pripadnosti javnih prihoda koj je podnijelo Općinsko vijeće Općine Foča broj 01-02-1242/20 od 02.07.2020. godine.

Zakonodavno-pravna komisija u vezi inicijative za autentično tumačenje člana 298. Zakona o stvarnim pravima koju je pokrenuo direktor Komunalnog javnog preduzeća Pokop Sarajevo usvojila je zaključak koji predlaže Predstavničkom domu.

Sa 58 glasova za, bez glasova protiv i bez uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH traži od Vlade FBiH da se budućim izmjenama Zakona ostvarnim pravima obavezno tretira i uredi pitanje pojma „zgrada“.

Predsjedavajući je zaključio rad 27. redovne sjednice u 10.22.

Transkript i prijepis transkripta sjednice čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović

